

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 268975 25 St  
Zenica, 30.06.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom Nova Željezara Zenica, d.o.o., ul. Bulevar Kralja Tvrtka I broj 17., koji je pokrenut po prijedlogu predlagatelja Nova Željezara Zenica, d.o.o., ul. Bulevar Kralja Tvrtka I broj 17., koga zastupa Ahmed Hamzić, generalni direktor društva, donio je 30.06.2026. godine, sljedeće:

#### R J E Š E N J E

Stavlja se van snage Rješenje doneseno na Zapisnik od 25.06.2026. godine.

Sud će donijeti Odluku po prijedlogu za otvaranje stečajnog postupka, nakon što sud u postuku broj: 43 0 St 274553 26 Res donese Odluku po Prijedlogu za otvaranje postupka vanredne uprave nad Privrednim društvom Nova Željezara Zenica d.o.o. Zenica.

#### O b r a z l o ž e n j e

Prijedlogom od 17.12.2025. godine, predlagatelja društva Nova Željezara Zenica, d.o.o., ul. Bulevar Kralja Tvrtka I broj 17., pokrenut je stečajni postupak nad društvom Nova Željezara Zenica, d.o.o., ul. Bulevar Kralja Tvrtka I broj 17.

Sud je na Zapisnik na ročištu za utvrđivanje uvjeta za otvaranje stečajnog postupka 25.06.2026. godine, donio rješenje da će Odluku o otvaranju stečajnog postupka donijeti u roku od tri dana.

Vlada Federacije BiH je 22.06.2026. godine, Općinskom sudu u Zenici, podnijela Prijedlog za otvaranje postupka vanredne uprave nad Privrednim društvom Nova Željezara Zenica d.o.o. Zenica.

Sud je Rješenjem broj: 43 0 St 274553 26 Res od 30.06.2026. godine, odredio privremenu mjeru u skladu sa odredbom čl. 14. stav 4 Zakona o postupku vanredne uprave u privrednom društvu Nova Željezara Zenica d.o.o. Zenica, Sl. Novine F BiH broj 45/26 i naložio sudu da u stečajnom postupku koji se vodi kod Općinskog suda u Zenici, pod brojem: 43 0 St 268975 25 St, odloži donošenje odluke o prijedlogu za otvaranje stečajnog postupka.

Imajući u vidu gore navedeno do donošenja odluke po prijedlogu za otvaranje postupka vanredne uprave nad Privrednim društvom Nova Željezara Zenica d.o.o. Zenica, sud je odlučio kao u dispozitivu.

STEČAJNA SUTKINJA  
Sanja Pavlić